

復縣教育週刊

第 四 卷 第 六 期

中華民國十七年六月三日出版

本 期 目 錄

公牘：……函各區村立學校 改訂校名

布告：一區倪家窪村曲屯設校準備案

布告：四區長興島西北海村設校準備案

布告：一區于山咀村內太平山已准設校

函各校：辦理十六年六七月份視學報告

函各校：辦理十六年八九月份視學報告

報告：……視察復縣學務總報告書……邢有政

本刊歡迎投稿簡章

- 一 本刊各門均歡迎投稿，不約文書體。
- 二 投稿者不限定自作或翻譯。
- 三 投稿者望寫清楚詳加圈點，以免登載錯誤。
- 四 投稿務須填明姓名、次、章、職、籍及通訊處。
- 五 投稿登載後，由本處酌附本刊一份或數份，不受酬者請於稿末聲明。
- 六 投稿本處得酌量增刪，不願他人參筆者預先聲明。
- 七 投稿登載與否恕不發還。
- 八 投稿請逕寄復縣教育公所教育週刊編輯處。

公 牘

復縣教育公所公函 第三八九號

逕啟者案查奉天公報第五六七四號內載

奉天教育廳訓令第五十六號為辦理縣視學報告視查各校學務情形一案尾開各區學校名稱應遵照本廳十二年六月規定各小學校名稱法令就各區所有校數依次編列勿得按村分編以符通案等因奉此茲就十五年改定區立學名稱改為某區村立第幾小學惟區立高級小學准按某區區立第幾小學編列名稱業已呈請備案茲蒙縣署第一五七三號指令核准除將新改各校名稱一覽表公布外相應函請查照改定可也此致

各區村立學校

復縣教育公所所長王 坤

中華民國十七年四月十二日

復縣教育公所佈告第二十七號

爲 佈 告 事 前 爲 一 區 倪 家 窪 村 界 內 曲 屯 設 立 學 校 呈 請 備 案 一 案 茲 奉

縣 署 指 令 第 一 五 七 二 號 核 准 除 函 覆 一 區 公 所 轉 知 外 合 即 佈 告 週 知 此 佈

復 縣 教 育 公 所 所 長 王 坤

中 華 民 國 十 七 年 四 月 十 一 日

復 縣 教 育 公 所 佈 告 第 二 十 六 號

爲 佈 告 事 前 爲 四 區 長 興 島 西 北 海 村 設 校 轉 呈 備 案 一 案 茲 蒙

縣 署 指 令 第 一 四 八 七 號 核 准 備 案 校 名 編 爲 四 區 村 立 第 七 十 八 小 學 校 除 函 知 外 合 即 佈 告 週 知 此 佈

復 縣 教 育 公 所 所 長 王 坤

中 華 民 國 十 七 年 四 月 四 日

復 縣 教 育 公 所 佈 告 第 三 二 號

爲 佈 告 事 前 爲 一 區 于 山 咀 村 界 內 太 平 山 設 校 轉 請 備 案 等 情 茲 蒙

縣 署 第 一 八 九 六 號 指 令 核 准 校 名 應 編 爲 復 縣 第 一 區 村 立 第 三 十 六 小 學 校 合 即 佈 告 週 知 此 佈

中華民國十七年五月四日

復縣教育公所所長王 坤

復縣教育公所公函 第三九二號

逕啟者案查十六年九月三日奉天公報第五千五百三十三號內載

奉天教育廳訓令第七百三十九號內開案據該縣視學邢有政呈稱竊視學本月分視察長興島內各學校及島外學校計共六十處茲謹遵章繕具報告書表暨改進意見除分呈復縣公署外理合檢同各項書表一併具文呈送鑒核施行等情計呈報告書調查表概況表各一份前來查教員郭永齡教學盡力成績昭著應記功一次教員尉志超馬連雲等教法優良成績甚佳應傳諭嘉獎教員陳大藩教管盡心著提升甲等張會材教訓有方著提升乙等以資鼓勵教員李振中劉天禎等教學合法殊堪嘉許教員梁德會姜永祺李傳英劉述職劉述勤劉新榮應忠舉田篤英等教法均差應飭改良教員劉振鐸張鴻範劉新璧曲慎欽等教法既差成績亦劣應予申斥教員劉述基馬荃等教法不合成績低劣應各記過一次教員劉新陽教法太差不稱厥職應即撤換四區十七小十八小三十五小三十六小四十四小九區二十八小等校學生缺席均多應嚴加禁止三區

公 函 復 縣 教 育 公 所 公 函

四

三十三小四區十二小三十六小五十二小五十三小七十二小七十四小九區十三小等校學額均少應令招足此外該視學所陳改進意見亦屬可行除指令外合令該縣遵辦具報此令等因奉此遵查教員陳大藩既進甲等每月應按奉大洋六十元開支張會材既進乙等每月應按奉大洋五十元開支劉述基馬荃等既經記過應扣月薪十分之一劉新陽既經撤換應即取銷教員資格梁德會等八名劉振鐸等四名均應赴優良學校參觀或組織教法研究會藉資改進其他所令各節均應切實遵行相應函請查照辦理可也此致

各 學 校

復 縣 教 育 公 所 所 長 王 坤

中 華 民 國 十 七 年 五 月 八 日

復 縣 教 育 公 所 公 函 第 三 九 三 號

逕 啟 者 案 查 十 六 年 十 一 月 二 十 一 日 奉 天 公 報 第 五 千 六 百 零 九 號 內 載

奉 天 教 育 廳 訓 令 第 九 百 四 十 七 號 內 開 案 據 該 縣 視 學 邢 有 政 呈 稱 竊 視 學 於 八 月 十 九 日 赴 東 山 五 六 區 視 察 後 因 七 八 區 胡 匪 濫 起 到 處 貼 帖 遂 即 折 回 往 鐵 路 迤 西 一 二

等區觀察共查學校四十九處茲謹遵章繕具報告書表暨改進意見除分呈復縣公署外理合檢同報告書表一並具文呈送鑒核施行等情計早報告書調查表概況表各一份前來查教員范象奎李宗儒潘海年王明哲李延英那志元王海鎮趙樹青等教學合法王泰生教學成績優良均堪嘉許教員孫德錫于宗聖姜潤玉李乘珍于常慶張在庠焉廷魁等教法稍差教員孫萬衆教學成績欠佳應飭力圖改進教員金淑會林玉環等任意授課有違定章柳蔭輿擅自離校應各記過一次教員李文明規避視察陳家祺韓殿臣等玩忽課程應各記大過一次教員胡新章宋夢吉張德敏王興和于履增潘德蓮鄒桐平孟憲官林廣漢姜萬良等因學生書籍未到均未正式授課殊屬非是嗣後應嚴飭各學董及教員等務於開學前一律將書籍購妥以免虛耗學生光陰一區大馬廠村立二小三小倪家窪村立一小二區王家屯村立二小五區梁粉房村立三小徐大房子村立五小六區炸子窰村立一小大王家屯村立二小三小四小王崗嶺村立一小劉家爐村立一小等校學額均少應即招足此外該視學所陳各節亦大致可行除指令外合令該縣遵辦具報此令等因奉此查按照向例教員金淑會等三名李文明等三名既經記過或記大過應扣月薪十分之一或十分之三孫德錫等八名應組織教法研究會或

公 讀 復 縣 教 育 公 所 公 函

六

赴優良學校參觀藉資改進其他所令各節均應切實遵行除分函外相應函請
查照辦理可也此致
各學校

中華民國十七年五月八日

復縣教育公所所長王 坤

報 告

視察復縣學務總報告書

復 縣 視 學 邢 有 政

(一) 全境學務狀況

復縣全境多山南面瀕海地瘠民貧莫此爲甚並兼村落零星組織學校實非易易然就現在之情形觀之全境學校已達三百六十六處教育進步不謂不速惟十六年度教育經費預算四八大洋七萬四千七百五十五元較之十四年度一一大洋六萬九千五百五十元雖增四八大洋五千二百零五元若以實際論之折扣現洋反不及十四年度預算之多以少數之金錢辦多數之學校欲求良好之結果不亦戛戛乎難哉前因錢法毛荒百物昂貴城縣教員羣起辭職當經 視 學 報告縣署景知事派教育所長士坤偕同 視 學 前往調說准予由十六年七月起追加薪俸五成該教員等始照常上課現下半年關在即錢法之壞比前更甚若不增加五成以安慰之則將來之二次辭職可預卜矣 景知事 對於教育尙思整頓惟校多款少不敷分配呈請追加又被駁斥大有巧婦難爲無米炊之勢故對於復縣教育之前途頗抱悲觀

(二) 教育機關狀況

甲 教育公所

該所設在瓦房店西山下規模宏敞院落整齊房舍建築亦甚鞏固他如辦公室招待室以及事務員宿舍等種種支配有餘不紊足徵心思綉微

所長王 坤 英俊少年才識兼備故自任職以來擴充學級改良教法增加學

款培養師資成績卓著歷歷可考擬請傳諭嘉獎

事務員曲尙賢 人極老成辦事穩健下鄉勸學頗能出力

郭新豐 精明強幹遇事敢爲所內事頗資臂助殊堪嘉許

倪書田 作事老練學識亦優

傅貴順 人極誠懇留所辦公盡心竭力洵屬難得擬請傳諭嘉獎

劉繼安 辦事認真下鄉勸學不計勞怨

宋維藩 老成可靠辦理文牘頗能勝任

乙 教育會

該會先設治城裡呂祖閣近移至瓦房店教育公所院內佔用瓦房三間辦公則有餘開

會則不足宜設法籌款另行建築以謀發展

正會長陳永海 辦理會事尙屬盡心惟兼任其他職務故常不到會

副會長張同恕 對於會務頗能相助爲理惟該會會員散處各村招集非易故開

通常會僅於寒暑假假期內舉行之現正擬辦假期講習會發行教育雜誌並聘請優良教員巡行各校講演以促進教學之改善以上數種倘能積極進行則該會之發達正未有艾也

(三)社會教育狀況

城裡圖書館 館設治城東門裡路南房舍五間門臨大街往來閱覽者頗稱便利所藏

書籍分門別類井井有條現有哲學二十一種倫理五種社會十二種文學一百六十五種教育九十九種史學四十三種地理二十四種政治四十二種數理四十種醫學八十九種農學五十五種工學十二種兵學十種商學十四種技術三十三種雜書二百一十七種圖畫五十九種雜誌九十三種新聞五種總計一千零三十八種每日閱覽者平均六十一人倘能逐年增加購書費則數年後不難燦然大備矣

館長馬福剛 學識優長作事勤敏任職數年始終不懈殊屬難得擬請記大功一次以資鼓勵

五街圖書館 館設五房店大廣場以北租用民房三間尙敷佔用一間爲藏書室二間爲閱覽室現有書籍三百五十二種均係舊書已陳腐司空見慣無人借覽去歲捐款三千餘元所購書籍尙未運到故該館之冷落與去歲無異館長徐盛智 人尙穩重惟於館務漫不經心

(四) 區村教育狀況

一區區長甯金聲 人尙和平對於辦學尙知注意

二區區長張文明 辦學熱心殊堪嘉尙

三區區長傅煥章 漠視學務應記大過一次

四區區長宋之棟 對於辦學不甚出力

五區區長呂德成 整頓學務不遺餘力擬記功一次

六區區長潘嘉善 對於辦學毫無成績

七區區長連丕鈞 對於學務頗能提倡

八區區長姚種德 辦學疏懈不思整頓應記過一次

九區區長丁靖濤 對於辦學尙思進步

查一區村長郭世貴二區村長徐麟祥劉正剛于世林三區村長孫荃如趙明紀蔡發奎徐德風四區村長王鳳山傅殿相魏作舟盧啟忠王占元李乘修陳桂令曲萬玉五區村長呂德民尹鳳翱徐大鳴六區村長王安仁七區村長王瑞祥張吉發八區村長尙毅然張天昌孫安仁唐榮春九區村長許文清馬文瑞宋連文吳良成吳鑑瑜赫佛慶聶忠岳以上三十三名勸辦校務均能出力殊堪嘉許又查一區村長徐丕道白少山王殿佐三區村長劉心憲張成玉五區村長張以恆六區村長李明順曲忠九區村長曲傳厚以上九名辦學疏懈不負責任應各記過一次再七區村長鄧永盛八區村長劉和昌二名對於辦學不但敷衍了事且碍教育進行擬請飭縣撤換以昭炯戒

改進意見

創辦職業學校

查復縣學校有三百六十之多而職業學校竟無一處實屬缺點況現在之社會乃一競爭劇烈之社會也人民若無職業即難生存於斯世故職業學校之設立大有刻不容緩

之勢擬請飭令該縣速籌的款以期明年早日成立

事務員川資不宜裁減

查復縣事務員月薪異常廉薄每月四八大洋僅三十元不惟仰事俯畜時虞不足即自己衣食亦難供給枵腹從公世所罕有當此錢法毛荒之際不事增加反行裁減殊不足以養廉潔而資策勵擬請飭縣每月仍加川資十元以資補助而免向隅

宜籌款實行年功加俸

查復縣教材缺乏已非一日當此錢法毛荒薪金廉薄之時而欲令優良之教材久於其任非實行年功加俸不爲功擬請飭縣設法籌款俸給從優以免楚材晉用

查該縣城鄉小學教員薪俸最多者四八大洋二十八元最少者四八大洋二十元以現在之錢法論(現大洋已漲至二十元)月薪二十八元者能換現大洋六元餘二十元者能換現大洋四元餘倘不特別增加以維現狀直農人之不若也學識卑陋者尙不肯爲而謂成績優長爲之乎擬請飭縣從新規定教員月薪以免教員他適

村立小學宜研究單級教學法

單級小學組織複雜若以多數教法教授單級勢必不能乃查該縣村立小學純係單級

而教員明白單級教法者十不獲一故直接教學甲組時則乙丙丁三組皆枯坐無事此種教法殊屬不合嗣宜特別研究借資改善

實行普及平民教育

平民教育關係綦重凡大鄉鎮均應設立平民夜課或平民讀書處救濟年長失學之徒莫善於此擬請飭令教育公所責成各區區長均實行辦理庶平民教育尙有普及之日也

報告 觀察復原草書

復縣教育週刊內容共分十門

- (一) 論述 採輯教育原理發表個人之意見
- (二) 法令 彙錄各種教育法令規程等
- (三) 公牘 彙錄各項公文等
- (四) 報告 彙錄省縣視學及教育公所長事審員等各項報告
- (五) 紀載 登載國內外關於教育之重要事項
- (六) 成績 登載各校學生著作以及教育公所課員考試成績以取其實
- (七) 專載 轉載他種書籍中之精言及以資實效者
- (八) 新聞 登載地方新聞國內外要聞
- (九) 雜俎 登載關於教育之一切雜俎
- (十) 附錄 登載不關於以上各項之事件

編輯兼
發行處

復縣教育週刊社

印刷處 復縣印刷所

明 說	定 價	
	郵 費	書 價
書價以適用大洋為單位 郵費以現洋按時折變	一分	一角
	二角	二元
	四角	四元
		分 期
		一 期
		半 年
		一 年
		二 十 期
		四 十 期

